



UNIVERSITÄTS-
BIBLIOTHEK
PADERBORN


Universitätsbibliothek Paderborn

Isaaci Peyrerii Epistola Ad Philotimvm

**La Peyrère, Isaac de
Romae, 1657**

Isaacvs Peyrerivs Philotimo.

urn:nbn:de:hbz:466:1-11020



ISAACVS PEYRERIVS
PHILOTIMO.



PETIS à me , Philotime , vt tibi significem , cæterisque amicis meis , quibus idem curæ est : quare mutauerim propositum quod tenaciter institueram , de non abneganda professione Sectæ Caluinisticæ , quam Galli Reformatam vocant ; quam scilicet cum ipso late biberam , & imbiberam , & in qua confenueram . Quare itidem , vel eiurauerim librum de Præ-Admitis quem edideram ; vel edidisse , quem deinde eiurarem . Expediam tibi vtraque meo more :

a 2

hoc

hoc est; quām potero breuius & clarius.

Prīmū itaque fatebor ingenuè, me fortasse n
hæsurum adhuc Sectæ Caluini quam profitebar;
aut verius, in cuius cimbula fluctuabam; nisi ~~me~~
atra tempestas, glomerata & concitata de parte libri
illius mei Præ-adamitici, ~~adegisset~~, impulissetque
nauiculam in qua eram, ad Petram quam mihi ini-
quissimam putaueram. Sed quia Petra illa Eccle-
sia Christi erat; & Petra ipsa de qua Christus Pe-
trum alloquens: *Tu es Petrus, aiebat, et super hanc*
Petram edificabo Ecclesiam meam: in illa eadem
Petra miraculo seruatus sum. Allisa namque ad ru-
pem nauicula, expositus sum in gramine omnium
amœnissimo & viridissimo, quo rupes desuper stra-
ta erat; & super quod siccis pedibus, illæsisque
plantis, felicissimè desilui.

Non clam te est, mi Philotime, neque latet
quām plures amicos meos, quibus de hac re multo-
ties & totum me adprobauit: quantūm abhorruer-
im semper à schismate Ecclesiæ; & quām semper
ægerrimè tulerim luctuosam secessionem illam, qua
priore seculo, Lutherus primū, & Caluinus dein-
ceps ab Ecclesia Catholica defecit. Scriberem ad te
volumina non epistolam, si causas omnes auersatio-
nis huius meæ hoc loci exponerem. Hæreboque
in illo solo argumento, seu potius conuicio, quo

Schif-

Schismatici omnes Ecclesiam Catholicam infestantur, cum illam Meretricem & Adulteram, perpetram ^{et falso} ~~fictam~~, appellant: causamque sibi inde adfluunt, quare ab eadem Ecclesia secesserint.

Non reputant qui talia debacchantur, Ecclesiam illam ipsam quam infamant & pipulo differunt, Sponsam DEI, atque adeo Matrem suam esse. Verum quidem est, Ecclesiam Iudaicam talibus quondam elogijs à DEO ipso, per Prophetas suos fuisse traductam. Quæ adificauisset sibi lupanar, & fecisset sibi prostibulum in cunctis plateis, & diuisisset pedes suos omni transuenti, & multiplicauisset fornicationes suas. Ezechielis 16. Tùm Isaiæ 1. In qua, propter luem contractam ex fornicationibus suis, non esset sanitas; sed à planta pedis usque ad verticem, vulnus, & lior, & plaga tumens. Sed æque verum est, Philotime, Ecclesiam Christianam præstare multum Iudaica, & toto vertice CHRISTO suo, supra esse. Tùm quia cœremoniæ Iudaicæ, umbræ fuerunt & figuræ tantum veritatum Christianarum: tūm quod Ecclesia Christiana longè anteierit promissis & benedictionibus diuinis, Iudaicam. Edicente CHRISTO ipso: Nunquam se defuturum Ecclesiæ suæ, & aduersus illam portas inferi nunquam prævalituras. Hoc eit: nunquam deferendam, & nunquam interituram Ecclesiam Christianam.

Quod

Quod non ita se habuit cum Ecclesia Iudaica: ut potè quæ interierit, & cum Synagoga sua sepulta sit.

Demus certè, Ecclesiam Christi (quod tamen absit) in nonnullis, etiam nobilioribus suis membris; quoad mores, non quoad dogmata, fœdari & contaminari posse. Ergone licebit Christiano ciuare ipsam matrem suam, quia putabit illam fœdatam & contaminatam? Nec veniet in mentem homini illi Christiano, quod legitur de Noë inebriato, & nudato in tabernaculo suo? cap. 9. Genesios. Cuius verenda nudata cùm vidisset Cham filius eius reprobis, & maledictus; risit, traduxitque patrem suum, & nuntiauit duobus fratribus suis foras. At verò Sem & Iaphet, filij Noë electi & benedicti, pallium imposuerunt humeris suis, & incedentes retrorsum, operuerunt verenda patris sui: faciesque eorum auerse erant, & patris virilia non viderunt. Idem omnino faciendum esset Christiano electo & benedicto. Deberet ille cùm fratribus suis electis & benedictis, imponere pallium suum humeris suis, incedere retrorsum, operire verenda, auertere faciem, nec videre turpitudinem matris suæ. Quid verò fecerunt schismatici nostri? Quod nimur Cham reprobis & maledictus. Viderunt & riferunt matrem suam, quam finxere nudatam, & nuntiauerunt

bouG

runt

runt fratribus suis. Id est, traduxerunt matrem suam, & infamauerunt quam putauerunt turpitudinem eius. Atque adeò incurant, necesse est, in maledictionem decretam in progeniem Chami. Et iustè. Edixit enim DEVS ore suo, & de medio ignis. *Honorā patrem tuum, & matrem tuam.* Nequē exceptit, vel patrem ebrium, vel matrem adulteram. Idemque Euangeliū quod te subditum esse iubet Regi tuo, discolo quamuis & Neroni; te honorare præcipit matrem tuam, impudicam licet & Messalīnam. Sed quæ tam barbara vñquam religio non damnauit ⁿ cœdilitatem natorum erga matres suas? Nihil frequentius occurrebat in Scenis antiquorum, quam Orestes furijs agitatus propter occisam matrem, non solum adulteram, sed etiam parricidam. At Christianus qui deserit matrem suam, quam CHRISTVS Sponsus födere æterno & insolubili sibi iunctam, nunquam deseret; qui neque Ecclesiæ matri suæ opem fert: imò è contra, qui illam persequitur, probrisque & maledictis onerat; idem facit occidenti.

Age verò, Philotime; si nulla ratione diuina vel humana, quo saltem exemplo Iudaico vel Christiano, potuere Schismatici nostri deserere Ecclesiam matrem suam; nè dicam (vt fecerunt) atrociter sæuire in illam? Percurratur fanè historia tota

Iu-

Iudaica, à lege lata in monte Sinā, usque ad transmigrationem Babilonicam: & reperientur in illa duo Schismata dumtaxat, damnata utraque, & DEO vindice saeuer repressa. Primum fuit, Core, Dathan, & Abiron; quod terra dehiscens continuo deglutijt cum auctoribus suis. Secundum fuit, decem tribuum Israël, quæ descivierunt à Roboam. At Schismate ab illo, quanta & qualia mala euenerint decem illis tribubus, sciunt omnes, qui vel tantisper horunt Historiam Sacram. Schismata quinetiam duo illa ortum habuerant, ex regnandi potius libidine, quam immutandi quicquam in lege Moysica. Ceterum, quamuis Sorores duas illas inuenient diuisæ, Ecclesia Iudaica, & Ecclesia Israelitica, se se utrinque foedauissent idololatrijs horrendis, quas DEVS fornicationes & adulteria vocat: nescitur tam vnum; vel Israelitam verum, abiisse unquam ab Ecclesia sua Israelitide; vel Iudeum verum, secessisse unquam à sua Iudaica.

De Ecclesia Israelitide adultera, luculentum hoc legitur in historia Eliæ, quando interpellabat DEV M aduersus Israelitas idololatras. *Domine,* aiebat, *Prophetas tuos occiderunt, altaria tua suffoderunt, & ego relictus sum solus, & querunt animam meam.* Cui DEVS respondit: *Reliqui mihi septem milia virorum, qui non curvauerunt genua ante Baal.*

Fal-

9

Fallebatur Elias, qui se putabat solum DEI vericul-
torem in toto Israele; quia non nouerat septem illa
Israelitarum millia, quæ DEVS sibi seruauerat in-
contaminata ab idolatria Baal. Quare autem
non nouerat Elias septem illa viorumi DEO electo-
rum millia in Israele? Nimirum, quia Israelitæ illi
non abierant à matre sua Israelitide, idololatra,
quamuis & adultera: quia nullam secessionem ab
Ecclesia & matre sua fecerant: quia nullum aliud
conuentum separatum ab illa sibi constituerant.
Imò, quia in de prauatissimis Ecclesiæ illius suæ mo-
ribus, & periculosissimis de prauationis vniuersæ
temporibus; unusquisque illorum septem millium,
sibi soli erat in secreto & in abscondito, Israelita-
verus, & verus DEI cultor: adeò ut nullus eorum,
in suæ sibi religionis conscientia, amico & fratri suo
fideret. Nullumque adeò illorum Elias nouerat,
Propheta quamuis, & zelotes DEI acerrimus. At
qui nouisset illos omnes indubie, si omnes illi ei-
rauissent Ecclesiam & matrem suam adulteram, &
si congregations ab illa diuisas sibi habuissent.

Vocavit Ieremias Ecclesiam Israeliticam, auer-
satricem: Sororem verò suam Iuda, præuaricatri-
cam. Plus verò peccat præuaricatrix, quàm auersa-
trix. Ideòque iustificauit animam suam auersatrix
Israel, comparatione præuaricatricis Iuda. Ierem. 31

b

Præ-

Præsumendum tamen est, DĒVM sibi semper seruauisse apud Iuda præuaricatricem, sicut apud aueratricem Israel; sua septem electorum millia, vitæ & conscientiæ integra, fornicationumq; matris suæ pura. Idololatrias nimirum eius maximè abhorrentia. Existimandum vtique est, septem illa Iudæorum electorum millia, neq; Ecclesiam matrem suam vnquam eiurauisse, neque vnquam ab illa recessisse, neque vnquam Templum in monte Sancto positum deseruisse: quicquid peccaret præuaricatrix Iuda, quicquid oleret stabulum & sessibulum, & quicquid abominandum in Templum ipsum DEI inferret.

Ignoratur usque in hodiernam diem, quid actum sit de Tribubus decem Israëlitis, quas Salmanazar transtulit in Assyrios: quoniam scilicet illæ abierint, & ubinam gentium illæ nunc sint. Reuersus verò populus Iudaicus à transmigratione Babylonica, restituit Templum in monte Domini, & celebrauit in illo (vt solebat) suam Synagogam, usque ad aduentum & nativitatem Domini nostri IESV CHRISTI. At, quo tempore natus est Dominus noster, quantis amabo criminibus, & quantis abominationibus, infecta erat Synagoga Iudaica? Omnia in illa pessum ierant. Et Domino profidente, Templum ipsum Domini mutatum erat in spe-

lun-

luncam latronum. Seruauerat tamen sibi DEVS
 in illa eadem Ecclēsia corruptissima etiam tunc,
 aliquot electorum millia, incontaminata ab omni-
 bus illis latrocinijs & abominationibus. Et post-
 modum ex illis, CHRISTO nato, caput suum exe-
 ruerunt, Sanctissima VIRGO in primis, Sanctus
 IOSEPH Sponsus Sanctissimæ VIRGINIS, ZA-
 CHARIAS, ELISABETHA, SIMEON, AN-
 NA, & cœteri qui aduentum CHRISTI Saluato-
 ris expectabant, quibusque deinceps DEVS mun-
 do illucescens se notum dedit. Nullusque ex illis
 secessionem vñquam fecit ab Ecclesia & Synagoga
 impurissima: nullusque itidem deseruit Templum
 Domini, pollutum quamvis latrocinijs & flagitijs.
 Sed omnes electi illi vixerunt in medio Templi,
 iuste & sancte, secundum verum sensum legis Mo-
 saicæ, non secundum fabulas & corruptas traditio-
 nes Synagogæ. Vt cunque enim Scribæ & Pharisei
 multis affumentis D E I præcepta, per Mosem &
 Prophetas tradita, malè interpretarentur, & pietà
 item in hypocrisie & superstitionem conuertissent:
 nunquam tamen passus est DEVS errorem aliquem,
 aut dogma receptæ à maioribus doctrinæ, aut fidei
 contrarium, à Summo Pontifice toti Synagogæ ex
 cathedra Mosis proponi. Vnde ipse CHRISTVS
 monuit, opera quidem eorum haudquaquam imi-

tanda; doctrinam tamen quam ex Mosis cathedra
prædicabant, seruandam præcepit. Ita scilicet ma-
los Doctorum mores vitamque corruptam ab ipsa,
doctrina cautè distinguendam ostendit, & opera-
mali exempli ita fugienda, ut tamen à cathedra non
discedas.

Voluit DEVS, quo pollet consilio, laxare
quandoque habenas prurienti & lascivienti Synago-
gæ, illamque sibi ipsi permettere: sed non illam
penitus deserere. Audi quæso, Philotime, Ieremiam
de hæ re loquentem ab initio capit. 3. Vulgo di-
citur, inquit, si dimiserit vir uxorem suam, & recedens
ab eo duxerit virum alterum; numquid reuertetur ad
eam ultra? numquid non polluta & contaminata
erit mulier illa? Tu autem fornicata es, non cum
vno, aut altero tantum, sed cum amatoribus multis.
Tamen ressertere ad me dicit Dominus, & ego suscipiam
te. DEVS ergo suscepit tam clementer & beni-
gnè Synagogam, adulteram licet & transfugam,
neque illam repudiauerit: Christianus autem reij-
ciet Ecclesiam matrem suam, quæ CHRISTI
Sponsa est; quæ Virgo casta, siue ruga & macula
insignitur; quæ perhibetur fundamentum fidei, &
columna veritatis; cum qua Spiritus Sanctus manet
in æternum, eamque docet omnem veritatem;
quamque propterea audiendam præcepit Dominus,

ni-

nisi quis Ethnicus & Publicanus haberi velit: Christianus inquam, qui filius est Sponsæ talis CHRISTI, talem matrem suam irreuerenter usque adeò habebit, ut fornicariam illam dicat; illamque nomine illo procul à se ableget, & valere iubeat? DEVS ergo qui Sponsus erat, cuique adeò subiecta erat Synagoga Sponsa eius, inuitauerit suauissimè Sponsam suam, ut ad se rediret: Christianus autem qui filius est, quique adeò subiectus est Ecclesiæ matri suæ, abnegabit & repellet contumeliosissimè Ecclesiam matrem suam? DEVS ergo, cui licuit esse zelotypo, quia Sponsus erat, pepercit indulgentissimè Sponsæ suæ: Christianus autem qui filius est, cuique erga Ecclesiam matrem suam, quam CHRISTVS acquisiuit & mundauit sanguine suo, honoris & obsequij officium solum relictum est; inclemensissimè aget cum Ecclesia matre sua?

His certè rationibus inducti Patres antiqui omnes ex quo Ecclesia dicta & facta est Christiana; tanto honore prosecuti sunt semper Ecclesiam matrem suam, ut post DEV M nihil supra. Percurratque historia tota Ecclesiastica à CHRISTO mortuo; & nullus inuenietur in illa, vel Præful, vel Doctor orthodoxus Ecclesiæ, qui descivierit unquam ab Ecclesia. Nullusque è contra notabitur hæreticus, qui non continuò Ecclesiam violauerit schismatis,

te,

te, quam anteā conatus fuerat violare dogmate. In-
iecti sunt quandoque Doctores orthodoxi contra-
nobiliora Cleri capita, propter eorundem mores
corruptos: propter eorum puta vel inertiam, vel
auaritiam, vel ambitionem. Clerumque ipsum
corruptionis insimulauerunt, non in dogmate, quod
iterum moneo, sed in moribus: ipsumque propte-
reà multoties increpitauerunt, atque illi attribue-
runt, quicquid scripsit Apocalypsis de *Muliere for-
nicaria, quæ sedebat super septem montes, circumdata
purpura & coccino, & lapide pretioso, & margaritis:
habens poculum aureum in manu sua, plenum abomi-
natione, & immunditia fornicationis suæ.* At quam-
uis Patres illi Sancti quosdam Præfules, in moribus
suis reprehensibiles, vehementer infectati sint: re-
uerenter tamen habuere illi, & semper, Cathedram
D. Petri, in qua iugi traditione residebat primatus
Apostolicæ dignitatis, concessus D. Petro; & in il-
lo, Romanæ Ecclesiae moderatoribus: neque pro-
pterea ab ipsa Romana Ecclesia vñquam defece-
runt.

At inquiunt. Cur non licebit Christiano emen-
dare mores prauos qui corrumpunt Ecclesiam; si
licet Medico curare morbos qui ægrotum vexant,
imò tollere nœuos qui faciem dehonestant? Esto!
liceat. Quod tamen negamus. Sed non cuilibet

liceat esse Medico. Tum Medicus qui ægrotum curat, ægroto assidet, neque ægrotum fugit. Tu autem Christiane, qui Ecclesiam emendare voluisti, Ecclesiam deseruisti. Et qui Ecclesiæ nœuos delere institueras, stigmata multò peiora maledictis tuis fronti eius inuististi. Adde, quod experti & prudentis Medici est, cauere in primis nè quando ægrotum sanat, ægrotum enecet: neuè etiam, quando putredinem è sanguine elicit, animam cum sanguine extrahat: neuè tandem, quando corruptos humores evacuat, vitales cum corruptis exhauriat. Sed neq; morbis omnibus remedia adhibenda sunt. Sunt enim morbi quidam maligni, qui remedij irritantur: imò quibus remedium ipsum morte peius est. Qui lupias follicitant, hoc sæpe proficiunt, vt lupias ipsas in carcinomata conuertant: satiusq; multò foret lupia deformari, quam carcinomate corrodi. Neque rursus omni tempore remedij ut licet: sed expectandum est opportunum illud, quo vel aëris intemperies curationem non recuset, vel ægroti dispositio remedijs vim ferre valeat.

Vt expendatur diligentius opportunum tempus illud quod requiritur in emendatione Ecclesiastica, illaque perfecta: notari digna sunt, Philotome, quæ leguntur in historia Regum Iuda. Scriptum est de Rege Aza, cap. 15. Reg. 3. Fecit Aza

rc-

rectum ante conspectum Domini, sicut David pater eius:
 Abstulit effeminatos de terra, purgavitque Universas
 scordes idolorum, &c. Excelsa autem non abstulit. Ve-
 rumtamen cor Aza perfectum erat coram Domino, cum
 Etis diebus suis. De Iosaphat filio Aza, scriptum est
 cap. 22. libri eiusd. Ambulauit in omni via Aza pa-
 tris sui, & non declinauit ex ea, fecitque quod erat re-
 ctum in conspectu Domini, &c. Verumtamen Excelsa
 non abstulit. Adhuc enim populus sacrificabat & ado-
 lebat incensum in Excelsis. Eademque omnino le-
 guntur de Regibus Iuda, DEO dilectis & electis,
 Ioa, Amazia, Azaria, & Ioathan, capitibus 12. 14.
 & 15. Reg. 4. Sed scriptum est de Ezechia electissimo,
 cap. 18. Fecit quod erat bonum coram Domi-
 no, iuxta omnia quæ fecerat David pater eius. Ipse
 dissipauit Excelsa, & contrivit statuas, & succidit lu-
 cos, confregitque serpentem æneum quem fecerat Moses;
 siquidem usque ad illud tempus filii Israël adolebant ei
 incensum. Vocauitque nomen eius Nehustan: id est,
 æneum.

Atque ut eliciantur ex historia hac quam præ-
 misi, consecutanea ad rem illam quam paro maximè
 conducentia. Sciendum est: Excelsa illa quæ non
 abstulerant Reges illi Iuda, qui boni omnes his locis
 perhibentur, quæque dissipauit Ezechias: fuisse
 delubra posita à Salomone primùm, in montibus
 & Ex-

& Excelsis ; nuncupataque idolis vxorum & concubinarum alienigenarum , quibus cor Salomonis deprauatum fuerat . Fuisse itidem Fana alia quamplurima , consecrata deinceps Dijs ceteris exterarum gentium , à successoribus Salomonis , & Regibus Iuda idololatris . Adeoque flagitium maximum fuisse , immolauisse in templis illis victimas , & adoleuisse incensa : siue illa obtulissent Iudæi , Dijs & abominationibus gentium ; quod summum fuisse Iudæorum nefas : siue (quod probabile fuit sub Regibus illis bonis & pijs) DEO verò & summo sacrificauissent Iudæi in Excelsis illis . Piaculare namque hoc etiam Iudæis erat . Quia Iudæi , edicente DEO , immollare tantum & adolere debebant sacrificia & incensa omnia , in Templo ad hoc extructo in monte Sion . Deinde , quia DEVIS oderat lucos & arbores , quibus Excelsa omnia consita erant . Interdixerat enim Deuteronomij capite 16 . Non plantabis lucum , & omnem arborem iuxta altare Domini DEI tui : Quod odit Dominus DEVIS tuus .

Peccabant ergo Iudæi quando sacrificabant & adolebant incensa in Excelsis : quamuis sacrificarent & adolerent in illis , DEO vero & summo . Verumtamen Reges illi Iuda , qui Scriptura sacra teste fecerant quod erat rectum in conspectu Domini , & quorum cor perfectum fuerat cum Domino ; non ab-

stulerant Excelsa illa. Quare verò non abstulerant illa? Nimirum, quia fortè ferendum minus malum putauerant Reges illi prudentissimi, vt malum maius auerteretur. Neque tentandos nimium Iudæorum animos existimauerant, si commodam rationem, inueteratamque consuetudinem sacrificandi & adolendi in pluribus locis, toti populo interdicerent: populumque omnem cogerent ad antiquam & strictam legem ascendendi in Ierusalem; vt sacrificarent & adolerent in Templo Domini: quod propter hoc præcipue extrectum fuerat in vrbe Principe. Quodque non ita commodum Iudæis omnibus erat. Concesseruntque idcircò Reges illi boni & piij Iudæis, vt in Excelsis sacrificarent & adolerent: dummodò in ijsdem DEO vero & summo sacrificarent & adolerent. Et quamuis illud ipsum foret contra legis vetitum; satius tamen duxerant Reges illi optimi DEV M in Excelsis, quam nusquam adorari. Credendum verò vtique est, Reges illos optimos expectauisse opportunum magis & commodum aliud tempus, quo emendationem perfectam Synagogæ absoluuerent: reducerentque verum DEI cultum, ad locum illum quem DEVS sibi solum ex omnibus alijs elegerat, vt inuocaretur & celebraretur in illo. Atqui non hominum est nosse tempora & momenta, quæ DEV S posuit in sua potesta-

te:

te: ut legitur Actor. i. Tempus ergo illud dilatum
& reseruatum fuerat ad regnum Ezechiæ, Regis ele-
ctissimi: *Qui, vt scriptum est, dissipauit Excelsa, &*
contrivit statuas, & succidit lucos, confregitque serpen-
tem æneum quem fecerat Moses.

Duo nos docet historia hæc: Primum, omnino debere verum Numinis cultorem durare in Ecclesia DEI, neque dum perfectè in moribus emendata. Secundum est. Nihil temerè sollicitandum in emendatione aliquot membrorum Ecclesiæ: Emendationemque illam summa cum prudentia, & religiosissima cautione procurandam. Expectandum potius summa cum patientia tempus, quod DEVS posuit in sua potestate; quodque propterea non possum est in potestate hominum; ut absoluta illorum emendatio ad vnguem perducatur. Quasi vero, nescio quis Homuncio, hanc prouinciam reformati Ecclesiam sibi arrogare possit, quæ reuera, supremo dumtaxat Capiti, Christi Vicario incumbit: quasi vero Ecclesiam non deformet potius, quam reformat, quisquis errorum venenum illius membris porrigit.

Neue putes, Philotime, quæ scripta sunt de Ecclesia Iudaica, non posse aliquo modo extendi ad Ecclesiam Christianam. Attende quæso ad Parabolam quæ legitur cap. 3. Euangeli secundum

Matthæum: de inimico qui superseminauerat zizania in agro Domini, quæ Ecclesia Domini est. Serui autem Domini dixerunte: *Vis eamus, & colligamus zizania?* Et ait Dominus: Non: ne forte colligentes zizania, eradicetis simul cum his triticum. *Sin ite utraque crescere usque ad messem.* Et in tempore messis dicam messoribus. Colligit primum zizania, & alligate illa in fasciculis ad combustionem: triticum autem congregate in horreum meum. Attende, inquam, Philotime, ad verba illa: *Sinite zizania crescere cum frumento, usque ad messem.* Atqui Schismatici nostri temerè prætenderunt colligere zizania, & secernere illa à tritico ante messem. Ergo & ante tempus quod DEVS posuit in sua potestate ad combustionem zizaniorum. Quodque tempus non est in potestate seruorum (seruorumque nequam multò minus) sed vnius Domini.

Atque ut intelligas, Philotime, quo tempore Schismatici nostri prætensam Ecclesiæ emendationem adorti sint. Negant Medici quicquam mouendum esse in ægro corpore, cùm febris æstuat. At illi Camarinam reformationis suæ mouerunt; quo tempore per totum fæcile Christianum Orbem sœuiret amor ferri, & scelerata belli insania. Vbi verò intempestiuus Religionis zelus supersœuxit; tūm demum ab insania ad furorem ventum est.

Ma-

*Magno veluti cum flamma fragore,
 Virgea suggeritur costis vndantis aheni :
 Exultantque astu latices : furit intus aquæ vis :
 Fumidus atque altè fumis exuberat amnis .
 Nec iam se capit vnda : volat vapor ater ad auras.*

Tùtè scis, Philotime, quanta tempestas diluicio
 ex illo sese vndique esfuderit. Et tutè scis quantum
 puri sanguinis eliquauerit ex illo Ecclesia, per ea-
 dem vulnera quæ illi fecerunt Reformatores eius, vt
 quam falsò putabant putridam illi inesse saniem,
 è venis eius elicenterent. Neque te fugit quantum suc-
 ci radicalis exhalauerit ex illo Ecclesia, cum humo-
 ribus quos expreflit, in pharmacis quæ Medicorum
 violentissimi illi miscuerunt, vt quod imaginaban-
 tur in illa corruptum euacuarent. Enecauerunt sci-
 licet, tūm in se, tūm in alijs multis membris, quam
 sanare instituerunt. Toxicæ fuerunt quæcunque re-
 media infelicissimi Empirici illi, Ecclesiæ adhibue-
 runt. Et verrucas extirpare tentantes, cancros inge-
 nerauerunt, quibus Ecclesiæ portio exesa est. Ita
 vt ex illo, nullus adeò sit neque aspectus, neque de-
 cor, huic miserae ac rescissaे rerum Christianarum
 parti; formosissimæ quondam, nunc verò exhau-
 stissimæ & corruptissimæ. Intempestiui agricultoræ
 qui Domini fundum, contra Domini vetitum, sarrire

vo-

voluerunt; multum frumenti & nihil lolij effoderunt. Instauratores verò audacissimi, qui sarta tecta Ecclesię præstare suscepérunt: cùm purum ab impuro, pretiosum à vili & fôrdido; aurumque & argentum, à stipula & fôno, diligentius dicamne vel intemperantius, secernere fategerunt; ædificium ipsum concusserunt, Ecclesiamque Christianam per totum ferè Christianum Orbem imminuerunt. *Et nisi Dominus Exercituum reliquisset sibi semen in Ecclesia Catholica, quasi Sodoma fuissimus, & quasi Gomorrah similes essemus.* Isaiæ 1.

Peccauit ergo Caluinus (nihil mihi iam cum Lutherò est). Primò: quando secessionem fecit ab Ecclesia Catholica. Nam si Romani milites diuidentes inter se vestimenta Christi , tunicæ eius perciperant, fortè super illam miserant: debuerat Caluinus parcere corpori ipsius Christi , neque illud diuidere in diuisione Ecclesiæ. Peccauit secundò, quando inauspicato, emendationem Ecclesię suscepit: contra vetitum Domini , & contra præceptum Apostoli. Peccauit tertio, quando in prætensa emendatione Ecclesiæ , mutilauit & deformauit quodcunque reformare voluit. Inconsiderantius enim, & atrocius securim rotans, quod erat optimum visuque pulcherrimum, in honestis vndique vulneribus detruncauit. Peccauit denique cùm in-

nu-

numeros errores mundo peperit, non sine incredibili animarum & gregis Dominici strage; nempe ille non modò emendationem morum, sed huius obtentu, reformationem præsumptam dogmatū dolosè susceperat. Quo euentu iam diù patet. Nam non modò nihil quod ad mores pertineret, emendatius attulit; sed suorum quoque Sectatorum mores corruptit; quos malorum mille ministros contra Catholicos adhibuit. Nec etiam dogmata, ut præsumpsit, reformauit, quæ in Ecclesia erroris nefcia reformari non possunt: sed vt dixi, multis erroribus se & suos implicuit.¹ Hoc verò vt breuiter demonstrem, Philotime, non omnia perambulabo, quæ ille male reformando male mulcavit, sed quædam tantum & summotenus attingam.

Paulus Apostolus de Iudæis loquens, hæc ait cap. 9. ad Romanos. *Quorum adoptio est filiorum, & gloria, & testamentum, & legislatio, & obsequium, & promissa.* Quod verò legitur in vulgata, *Obsequium:* in archetypo *τελεία,* & cultus diuinus est, Cultus ergo diuinus Iudæorum erat. Non omnia scilicet quæ habuerunt Iudæi, abiecerunt Christiani. Et inter nonnulla quæ habent à Iudæis, retinent etiam nunc *τελεία,* & cultum diuinum. Non cultum quidem illum quem adhibebant Iudæi in cœloremonijs illis, quæ figuræ tantum erant veritatum il-

Iarum Christianarum quas reapse possidemus. Sed retinent Christiani eundem illum latræ cultum, qui adhibebatur in cœremonijs illis, quæ figuræ erant veritatum illarum cœlestium; quarum multas habemus sub Euangelijs, alias speramus verius quam possidemus.

Nemo est qui nesciat, Philotimie, sacratissima redēptionis nostræ mysteria, significata olim fuisse in lege Mosaica, per symbola omnium expressissima, aquam, ignem, oleum, sal. Per aquam, qua representabatur peccatorum nostrorum ablutio. Per ignem, quo exprimebatur sanctificatio nostra, quæ lucere debet sicut ignis. Per oleum, quo significabatur vñctio electionis nostræ, & penetratiua Spiritus Sancti in animas nostras immissio. Per sal, quod incorruptionem & immortalitatem nostram sapiebat. Quæ scilicet symbola à Iudæis usurpata, retenta, neque reiecta fuerunt à Christianis, quæ totus Orbis Christianus fuit, ab Apostolis ipsis positus; quæque hodie Latinus & Græcus est. Symbolorum quippe illorum ea vis & virtus erat; vt illis etiam nunc graphicè repræsentetur sub Euangelijs, perfecta peccatorum nostrorum ablutio, perfecta sanctificatio nostra, plena Spiritus Sancti in animas nostras immissio, perfecta incorruptio & immortalitas nostra. Quæ tamen symbola, yt & cultum omnem

di-

diuinum à Iudæis deriuatum , & ab Apostolis ipsis institutum ; Caluiniāna reformatio sic amputauit , ut sanctissima & sacratissima illa omnia, ense inimico , & audacissimo facto , penitus hauserit .

Tres electissimorum hominum ordines , à Iudæis & mandato DEI , oleo quondam vngi solitos , notum est . Reges , Prophetas , & Sacerdotes . Quod Ecclesia omnis Catholica etiam nunc consucuit , in Regibus & Sacerdotibus oleo vel chrismate consecrandis . Caluinus autem non solum Sacerdotum vunctionem , quæ fit oleo sacro , abstulit : Sed , quæ fuit audacia hominum confidentissimi , Sacerdotes ipsos à sua reformatione procul abegit : ordinemque ipsum Sacerdotalem prorsus eliminauit . Instituerant Apostoli Presbyteros & Episcopos , à quibus res omnis sacra , & quicquid in Ecclesia iuris Sacerdotalis esset , perageretur : præfecerantque Diaconos & Ministros , qui minoribus Ecclesiæ muneribus sufficerentur . Inuertit institutionem Apostolorum Caluinus . Ministros scilicet instituit illos , qui debuerant esse Presbyteri : mutauitque Diaconos & Ministros , in Presbyteros .

Illud tamen præceperat S. Paulus Philippensibus cap. 3. *Vt idem saperent , & in eadem permanerent regula .* Quam regulam vocauit formam , loco eodem , vbiait : *Imitatores mei estote , & obseruate*

d

eos

eos qui ita ambulant, sicut habetis formam nostram. Formamque illam tradiderat Apostolus, sermone & epistola: sicut scriptum est Thessal. 2. c. 2. Tenete traditiones, quas didicistis, siue per sermonem, siue per epistolam nostram. Calvinus autem paruipendit, & regulam, & formam, & traditiones, quas didicerat Ecclesia, siue per sermonem, siue per epistolam S. Pauli, & reliquorum Apostolorum. Melius, peius, prodesset, obesset, nihil vidit ille in Reformatione sua, nisi quod lubuit. Non enim hoc sibi proposuerat, ut Reformati sui occurrerent in unitatem fidei, regulæ, & formæ Apostolicæ cum Catholicis. Imò è contra: vt diuersi penitus abirent à Catholicis, in fide, in regula, & forma Apostolica. Quod S. Pauli præcepto planè aduersari fuit. Edixerat enim S. Paulus Ephes. 4. Solliciti estote seruare unitatem spiritus in vinculo pacis. Vnum corpus, & unus spiritus: sicut vocati estis in una spe vocationis vestrae. Unus Dominus, una Fides, unum Baptisma. Unus Deus, & Pater omnium. At Calvinus follicitus fuit soluere unitatem spiritus gladio Schismatis. Diuisit ille corpus Ecclesiæ: diuisit ille spem vocationis nostræ: diuisit ille Dominum nostrum. Non eadem est per illum, apud Christianos omnes regula fidei Christianæ: non eadem est per illum, apud Christianos omnes forma Christiani
 ba-

baptismatis : neque per illum vnas DEVS est Christianorum omnium.

Audi verò, Philotime, integrum hominis audaciam ! Non contentus Caluinus rupisse vniōnem Ecclesiæ ; ipsum quoque sanctissimum vniōnis Sacramentum violauit , aut potius sustulit . Non admisit ille transubstantiationem Catholicorum Latinorum , quæ eadem ipsa est μετατρεψία , siue trans-elementatio Græcorum bene intellecta . Quam scilicet transelementationem fieri asseuerabant Christianorum antiquissimi , in consecratione panis : momento scilicet illo quo concepta Consecrationis verba super pane dicerentur . Quæstionem illam exagitauit Caluinus , nodumque eius sacrilegio resoluit (absit verbo contumelia). Consecrationem nimirum ipsam de Reformatione sua omnino sustulit : contra institutum , contra usum , & contra vnanimem consensum totius Ecclesiæ Christianæ ; quæ Consecrationis canonem possidet , à principio adeò vetusto , ut nullum principio illi determinetur signatè principium . Imò contra institutum ipsum Domini , qui Consecrationem illam fecit , quando Sacramentum Corporis & Sanguinis sui instituit . Scriptum enim est disertissime , Dominum accepisse panem : deinde , benedixisse panī : quod est Eucharistia : vnde Eucharistia ipsi dicta est . Fregisse deinceps

distribuisse. Caluinus autem accepit panem. Et missam faciens benedictionem & consecrationem, continuo fregit panem, & distribuit. Atqui benedictio & consecratio Eucharistiam faciunt. Ergo, quando Caluinus Eucharistiam suam sine benedictione & consecratione instituit: Eucharistiā ipsam (quod monstrum est) sine Eucharistiā celebrauit.

Accipe igitur, Philotime, audacias & confidentias Caluinianæ reformationis omnino extraordinarias. Et ex illis paucissimis quæ hic breuiter perstrinxi, disce omnes eiusdem in reliquis alijs, præcipitiantias, intemperantias, & *ἀλογίας*. Hæc autem præ cœteris indicaui, in quibus tota eius, si quæ tamen est, religio quasi in duplicato cardine vertitur. Imò inquires. Quare ergo consenuisti in Caluini Schismate & reformatione; tu qui Schisma & reformationem Caluini tantopere exosam habebas? Propter hoc ipsum, Philotime. Schismata namque tantopere semper auersatus sum, ut Schisma facere in Caluini etiam schismate refugerim. Et nisi DEVS rerum humanarum arbiter, me inde manu apprehensum eduxisset; torperem adhuc in veterno. Non quia feritatem Schismatis induisse, deposuisseque animum redeundi ad sinum Ecclesiæ Catholicæ, Sed quia falso existimabam licitum mihi fore perseverare in Ecclesia Schismatica, & male re-

for-

formata, in qua natus eram: procurando, vel saltem expectando tempus in potestate DEI positum, quo reditus vniuersalis fieret Schismaticorum omnium ad Ecclesiam Catholicam. Et tute sis, Philotime, quam maximè illud in votis semper habuerim.
 Totum ergo DEI est, & totam illi habeo gratiam; quod ante tempus illud, exoptatum à me expectatumque ardentius, conuersus sum ad Ecclesiam Catholicam: quam scilicet experior nunc Matrem meam dulcissimam, quamque veneror & toto pectore amplector. Non enim consilio maleuolo, sed DEI voluntate factus sum Catholicus. Et quicquid durum in me consultum putaueram, illud DEVIS verit in melius, & pro mea salute factum voluit. Benedictum sit Nomen eius in saecula.

HABES, Philotime, causas quæ me fecerunt Catholicum. Exponendæ illæ restant, propter quas eiurauerim librum quem edideram de Præ-Adamitis. Quas ut summatim & verbo comprehendam. Liber ille meus, causa fuit conuersionis meæ. Et vicissim; conuersio mea, causa fuit abiurationis quam feci libri illius mei. Sed & illud clarius explicandum est.

Nouisti, Philotime, quomodo in Præ-Adamitis meis inquirendis, viam institerim extra vias omnes omnium retro-Theologorum, quotquot fuerunt

ab Apostolis. Hoc nimirum male habuit Theologos eisdem omnes, in quascunque Sectas hodiè diuisi sunt. Quique omnes, in alijs dissentientes, in hoc verò consentientes, & agmine facto, irruperunt in librum meum: illumque oppugnauerunt auctoritatibus omnibus SS. Patrum, Sacrofancitorumque Conciliorum; nec non vniuersali consensu totius Ecclesiæ Christianæ. Poteram fortasse vt cumque repugnare, Philotime, si mecum egissent humanis argumentis, non auctoritatibus. Sed cedendum omnino mihi fuit auctoritati tantarum auctoritatum. Nec deliberaui, vtrum auctoritati cederem. Sed in illo hæsitaui & suspensus fui. Cui auctoritati cederem, & cui me dederem.

Hoc verò in primis me male vrebatur. Quod Lutherani & Caluinistæ omnes, easdem machinas in me mouissent, quas retundere conantur in Catholicis; qui illos auctoritatibus iisdem SS. Patrum & Conciliorum orthodoxorum nequicquam obruunt. De Lutheranis quidem; & de suo (quem mihi occinebant) Luthero, parum mouebar, Philotime; quia non eram de grege illo. Quid enim mihi erat cum Doctoribus vino recoctis? De Caluinistis autem, quia Caluinista eram, hæc mihi ipse dicebam. Quid mihi illi recitant suum Caluinum, & suos Caluni asseclas; ut subijciar illorum auctoritati, qui subijci-

nolunt neque Patribus, neque Concilijs, neque adeò Ecclesiæ ip̄si Catholicæ? Atque ut nulli auctorati subiiciuntur, nulla vicissim & illis auctoritas concessa est. Corpus enim Sectæ illius sine capite est. Aut potiūs, corpus anomalum est, cui plura sunt capita quām membra. Quorum verò Calvinista rum auctoritatē me submittam? Anne Calvinista rum Batauorum? Sed illi, mille trahunt varias aduersis sententijs opiniones. An Puritanorum Anglicanorum? Apagē verò monstrum dissensionis & confusionis horrendum, quod hodie regnat in Babel illa. Anne ad Germanos, anne ad Heluetios me conuertam? Sed nihil mihi cum Germanis, nihil cūm Heluetijs est. An verò ad meos Reformatos, quos vocat, & quos habet mea Gallia, me conferam? Sed neque illis benè conuenit. Paucæ admodum Reformatis illis sunt Academiæ in Gallia: atque illæ paucæ, in pluribus differunt: illorum Ecclesiæ super illis, in contraria studia, & diuersas partes didicuntur.

Quæ verò est illorum auctoritas, vt me illis subiectam, & ad quorum tribunal cum securitate confugiam? Hoc est, vt possim tale de illis sperare iudicium, quod summæ auctoritatis sit; à quo nulla detur prouocatio, & contra quod nulla fiat Iurisdictionis vindicatio: quodque ubi ybisum erit, rigorem iuris

lenire, & secundum bonum & æquum decernere,
valeat. Mea namque causa talis est, vt talem sum-
mam auctoritatem Iudicibus suis optare debeat.
Summa autem dementiæ esset, summam illam re-
quirere auctoritatem iudicandi de Religione, in Do-
ctoribus Reformati, illisque præcipue Francicis;
qui subditi sunt REGI CHRISTIANISSIMO, &
filio Ecclesiæ Catholicae primogenito: cuiusque
adeò conscientiæ commissum est, cauere in primis ne
quid detrimenti Religio Catholica accipiat.

Finge enim (aiebam mihi ipsi) te stare coram
Doctoribus Reformati, vt vocant, Francicis: teque
illorum fidem & conscientiam appellare, vt iudi-
cent de te, & de libro tuo; non secundum præiudi-
cia, vel sua, vel aliena; sed secundum rationem
quam sequi profitentur, & super quam notum est
totam Caluini Sectam fundatam esse. Fac etiam
illos (vt fert eorum genius) tangi intrinsecus, & in-
duci posse tuis rationibus, vt tibi & libro tuo faueant.
Putasne illos vñquam ausuros expromere sensum
suum intrinsecum de te, & de libro tuo? liberum-
que & integrum illis fore, sententiam de te ferre,
summa illa cum auctoritate, quæ absoluta esse debet
in condemnando & absoluendo? Frustra es si id
putas. Auctoritatem certè sibi arrogabunt te con-
demnandi. Sed nullam prorsus habebunt te absol-

uen-

uendi. Neque si maximè cupiant, te absoluere audient. Quia neque liberum, neque integrum illis erit, absoluere de errore qui fidei Catholicæ aduersatur, quique repugnat Caluino ipsi. Cuius nimis rum Secta toleratur in Gallia, neque heterogenea alia apud illam admittitur.

Insaniam ergo si me vltro submittam auctoritati illorum, quibus pro certo sciam nullam esse auctoritatem, nisi prætensam in condemnando; nullam verò in absoluendo. Neque prætereundum est, Philotime, quod mihi renuntiatum erat; quām mala mens esset, & quām malus Reformatorum meorum erga me animus: de quo non dubitabam. Atqui, aiebam, necesse omnino est ut auctoritati subiiciar. Non enim datur apud Christianos individuum vagum, & auctoritate liberum. Nullaque alia auctoritas est, ad quam tutò confugiam, quæque plena & absoluta sit; præter auctoritatem Ecclesiæ Catholicæ, quæ residet in summo & Romano Pontifice, tanquam in suo capite. Qualis est Papa noster ALEXANDER VII, nomine & re Sanctissimus.

Ille etenim, Philotime, verus est Seruus DEI Eliacim, de quo Isaías cap. 22. Qui præpositus est in Templo DEI: qui induitus est tunica, & confortatus est cingulo Sobeæ, Pontificis Summi Iudaici. Cuique

DEVS

DEVS dedit clauem domus David super humerum eius. Qui aperit, & non est qui claudat: & claudit, & non est qui aperiat. Locus eximus & singularis Veteris ipsius Testamenti, quo designatur evidenter translatio Pontificatus Summi Iudaici, ad Christianum D. Petri. Expellit enim DEVS locillo Sobnam, Pontificem summum Iudaicum, de Statione sua, & de ministerio suo deponit eum; ut det potestatem eius Eliacim filio Helciæ. Eliacim enim ille, cui DEVS dat clauem domus David, apud Prophetam; S. Petrus fuit, cui Dominus idem dedit claves regni coelorum, apud Euangelistam.

Confugi ergo, Philotime, ad auctoritatem Summi & Romani Pontificis, Successoris D. Petri: ut potè ad illam solam quæ aperit, & non est qui claudit; quæ claudit, & non est qui aperiat. Qua nulla datur potior in toto Orbe Christiano, cuique nulla alia par dari potest, in illis quæ ad fidem Christianam & mores spectant: quæque me potuit condemnare & absoluere, vtrumque verò absolutissime, summo suo iudicio, & à quo nulla datur apud Superiorum prouocatio. Neque illud tantum debui, Philotime, secundum bonam mentem, & secundum bonam ipsam conscientiam, confugere ad auctoritatem Summi & Romani Pontificis, SANCTISSIMI PATRIS nostri, in iudicio libri mei, & mei ipsius

ipsius super libro meo. Imò illud etiam facturum
receporam, libro illo de quo agebatur. Multoties
enim in illo, verbisque conceptissimis edixeram;
Atque, meaque omnia obsequenti & cœca religione sub-
missorum Magistris & Dominis meis, Doctoribus or-
thodoxis, penes quos ius esset summum inquirendi &
statuendi de Theologicis. Quales nempè Iudices sum-
mos delegare solet Summus Pontifex Papa noster
beatissimus. Imò & quales solus delegare potest.

Sed enim, Philotime, ex quo me submisi au-
toritati Summi & Romani Pontificis, pro iudicio
libri mei: ex eo etiam me commendaui, & tradidi,
in clientelam & fidem Ecclesiæ Catholicæ, cuius
Summus & Romanus Pontifex, Papa noster beatif-
simus, Caput est. Ad quam scilicet Ecclesiam Ca-
tholicam continuò me conuerti, & cui illicò me de-
di. Verissimumque adeò est quod prædixi: li-
brum illum meum causam fuisse conuersionis meæ
ad fidem Catholicam: & vicissim, conuersionem
meam ad fidem Catholicam, causam fuisse abiura-
tionis quam feci libri eiusdem mei. Liber meus
conuersionem meam fecit. Et conuersio mea ab-
iurationem fecit libri mei. Non enim potui fieri
Catholicus, quin eiurarem librum illum qui apertè
repugnabat auctoritati & sensui Ecclesiæ Catholicæ.

Non defugio, Philotime, quin Præ-Adamitas

meos

DE

meos plūs oculis meis quondam amauerim . Sed scandalum tantò plūs etiam semper odi . Et maluit oculum eīscere , quām scandalum inferre Ecclesiæ , erroremque in sinu fouere . Sat habui quod persuasi me non malo fine illos cogitauisse . Et re ipsa comprobaui (quod re ipsa feci) me illos bona fide censuræ Ecclesiæ Catholicæ submisisse . Cœteræ quæ ad librum eundem pertinent , quæque super illo mihi euenerunt ; perlege , Philotime , in depreciatione quām deposui ad pedes SANCTISSIMI PATRIS nostri , ubi Romam adueni . Quamque ut tibi , cœterisque amicis meis , notam facerem , ad calcem huius Epistolæ edendam curaui . Vale , & me amare perge .

DE-